

稼軒長短句

卷八之十

稼軒長短句

卷八之十

來往。却慚沙鳥笑人忙。便好賸留黃絹句。誰賦銀鈎小艸。晚天涼。

五

施樞密聖與席上賦

春到蓬壺特地晴。神仙隊裏相公行。翠玉相挨呼小子。須記笑簪花底。是飛瓊。總是傾城來一處。誰妒。誰攜歌舞到園亭。柳妒腰肢花妒艷。聽看流鶯直是妒歌聲。

六

席上送范先之游建鄴

聽我尊前醉後歌。人生無奈別離何。但使情親千里近。須信無情對面是山河。寄語石頭城下水。

移轉長短台 卷八
居士而今渾不怕風波。借使未成鷗鷺伴。經慣也。
應學得老漁蓑。

七

三山送盧國華提刑約上元重來

少日猶堪話別離。老來怕作送行詩。極目南雲無
雁過。君看梅花也解寄相思。無限江山行未了。
父老不須和淚看旌旗。後會丁寧何日是。須記春
風十里放燈時。

八

用韻時國華置酒歌舞甚盛

莫望中州歎黍離。元和盛德要君詩。老去不堪誰
似我。歸臥青山活計費尋思。誰築詩壇高十丈。

直上看君斬將更搴旗。歌舞正濃還有語。記取鬚髯不似少年時。

九

自和

金印纍纍佩陸離。河梁更賦斷腸詩。莫擁旌旗真箇去。何處玉堂元自要論思。且約風流三學士。同醉春風看試幾搶旗。從此酒酣明月夜。耳熱那邊應是說儂時。

十

賦杜鵑花

百紫千紅過了春。杜鵑聲苦不堪聞。却解啼教春小住。風雨空山招得海棠魂。恰似蜀宮當日女。

無數。猩猩血染赭羅巾。畢竟花開誰作主。記取大都花屬惜花人。

十一

再用韻和趙晉臣數文

野草閒花不當春。杜鵑却是舊知聞。謾道不如歸去住。梅雨。石榴花。又是離魂。前殿羣臣深殿女。口數。赭袍一點萬紅巾。莫問興亡今幾許。聽取花前毛羽已羞人。

破陣子

爲范南伯壽時南伯爲張南軒辟宰盧溪
南伯遲遲未行因作此詞以勉之

擲地劉郎玉斗。挂帆西子扁舟。千古風流今在此。

萬里功名莫放休。君王三百州。燕雀豈知鴻鵠。
貂蟬元出兜鍪。却笑盧溪如斗大。肯把牛刀試手。
不壽君雙玉甌。

二

爲陳同甫賦壯詞以寄之

醉裏挑燈看劍。夢回吹角連營。八百里分麾下炙。
五十絃翻塞外聲。沙場秋點兵。馬作的盧飛快。
弓如霹靂弦驚。了却君王天下事。贏得生前身後
名。可憐白髮生。

同天三

贈行

少日春風滿眼。而今秋葉辭柯。便好消磨心下事。

也憶尋常醉後歌。新來白髮多。明日扶頭顛倒。
倩誰伴舞婆娑。我定思君。拚瘦損。君不思。今可奈
何。天寒將息呵。

四

趙晉臣敷文幼女縣主覓詞

菩薩藪中惠眼。碩人詩裏娥眉。天上人間真福相。
畫就描成好靨兒。行時嬌更遲。勸酒偏多最劣。
笑時猶有些癡。更著十年君看取。兩國夫人更是
誰。殷勤秋水詞。

五

峽石道中有懷吳子似縣尉

宿麥畦中雉雊。桑葉陌上蠶生。騎火須防花月暗。

玉唾長攜綵筆行。隔牆人笑聲。莫說弓刀事業。依然詩酒功名。千載圖中。今古事。萬石溪頭長短亭。小塘風浪平。時修圖經築亭埃。

臨江仙

探梅

老去惜花心已嬾。愛梅猶遶江村。一枝先破玉溪春。更無花態度。全是雪精神。小牕向青山餐秀色。爲渠著句清新。竹根流水帶溪雲。醉中渾不記。歸路月黃昏。

二

醉宿崇福寺寄祐之弟祐之以僕醉先歸。莫向空山吹玉笛。壯懷酒醒心驚。四更霜月太寒。

生。被翻紅錦浪。酒滿玉壺冰。小陸未須臨水笑。
山林我輩鍾情。今宵依舊醉中行。試尋殘菊處。中
路候淵明。

三

再用韻送祐之弟歸浮梁。鍾鼎山林都是夢。人間寵辱休驚。只消閒處過平
生。酒盃秋吸露。詩句夜裁冰。記取小窗風雨夜。
對牀燈火多情。問誰千里伴君行。曉山眉樣翠。秋
水鏡般明。

四

小靨人憐都惡瘦。曲眉天與長顰。沉思歡事惜腰
身。枕添離別淚。粉落却深勻。翠袖盈盈渾力薄。

玉笙嫋嫋愁新。夕陽依舊倚窗塵。葉紅苔鬱碧。深
院斷無人。

五

逗曉鶯啼聲昵昵。掩關高樹冥冥。小渠春浪細無
聲。井牀聽夜雨。出薜轆轤青。碧艸旋荒金谷路。
烏絲重記蘭亭。彊扶殘醉遶雲屏。一枝風露溼。花
重入疎櫺。

六

卽席和韓南澗韻

風雨催春寒食近。平原一片丹青。溪頭喚渡柳邊
行。花飛蝴蝶亂。桑嫩野蠶生。綠野先生閒袖手。
却尋詩酒功名。未知明日定陰晴。今宵成獨醉。却

笑衆人醒。

七

爲岳母壽

住世都知菩薩行。仙家風骨精神。壽如山岳福如雲。金花湯沐誥。竹馬綺羅裙。更願昇平添喜事。大家禱祝殷勤。明年此地慶佳辰。一盃千歲酒。重拜太夫人。

八

和信守王道夫韻謝其爲壽時僕作閩憲。記取年年爲壽客。只今明月相隨。莫教絃管便生衣。引壺觴自酌。須富貴何時。入手清風詞更好。細書白璽烏絲。海山問我幾時歸。棗瓜如可啖。直

欲覓安期。

九

春色饒君白髮了。不妨倚綠偎紅。翠鬟催喚出房櫳。垂肩金縷窄。醺甲寶杯濃。睡起鴛鴦飛燕子。門前沙暝泥融。畫樓人把玉西東。舞低花外月。唱徹柳邊風。

十

金谷無煙宮樹綠。嫩寒生怕春風。博山微透暝薰籠。小樓春色裏。幽夢雨聲中。別浦鯉魚何日到。錦書封恨重重。海棠花下去年逢。也應隨分瘦。忍淚覓殘紅。

十一

戲爲期思詹老壽

手種門前烏樗樹。而今千尺蒼蒼。田園只是舊耕桑。盃盤風月夜。簫鼓子孫忙。七十五年無事客。不妨兩鬢如霜。綠窗剗地調紅粧。更從今日醉。三萬六千場。

十二

手撚黃花無意緒。等閒行盡回廊。捲簾芳桂散餘香。枯荷難睡鴨。疎雨暗添塘。憶得舊時攜手處。如今水遠天長。羅巾汜淚別殘粧。舊歡新夢裏。閒處却思量。

十三

和葉仲洽賦羊桃

憶醉三山芳樹下。幾曾風韻忘懷。黃金顏色五花
開。味如盧橘熟。貴似荔枝來。聞道商山餘四老。
橘中自釀秋醅。試呼名品細推排。重重香肺腑。偏
殢聖賢盃。

十四

冷雁寒雲渠有恨。春風自滿余懷。更教無日不花
開。未須愁菊盡。相次有梅來。多病近來渾止酒。
小槽空壓新醅。青山却自要安排。不須連日醉。且
進兩三盃。

十五

侍者阿錢將行賦錢字以贈之。不
一自酒情詩興嬾。舞裙歌扇闌珊。好天良夜月團

團。杜陵真好事。留得一錢看。歲晚人欺程不識。
怎教阿堵留連。楊花榆筴雪漫天。從今花影下。只
看綠苔圓。

十六

諸葛元亮席上見和再用韻。夜雨南堂新瓦響。三更急雨珊珊。交情莫作碎沙
團。死生貧富際。試向此中看。記取他年耆舊傳。
與君名字牽連。清風一枕晚涼天。覺來還自笑。此
夢倩誰圓。

十七

開和。王戎歲生日書懷來。聞前商山翁四。六
六十二年無限事。從頭悔恨難追。已知六十二年